

Nan ta bira un licensee di NBC....

TELEVISION NOBO DI ARUBA LO BAY OCUPA CANAL 15 DI NBC



ORANJESTAD (AAN): Recientemente e personanan cu ta ser considera como e motoman grandi tras di "Aruba TV" (ATV) a viaha pa Merca pa asina haya contactonan valioso cu e cadena di TV mas grandi y mas sintoniza na e pais ey, esta National Broadcasting Company.

E contactonan cu NBC a bay hopi fructifero, segun DIARIO a compronde. Nan a mostra inmediatamente hopi interes pa duna ATV di Aruba e derecho di bira un licensee di NBC.

NBC ta famoso pa su programanan grandi manera "ER", "Seinfeld", "Friends", y "Frasier". Nan noticiero tambe ta hopi popular na

Merca y rond mundo, incluyendo e revista televisivo "Dateline".

Den e viahe aki tabata presente Jado Maduro (ATV Managing Director), Victor Winklaar Jr. (ATV Director of Programming), Joseph Angotti (ATV Consultant), Rebecca Roos (ATV Studio Director), y Mike Eman (ATV Legal Consultant).

Ademas di NBC, e grupo di ATV a tene contactonan valioso cu oficialnan di Warner Bros. Television, y demas studionan grandi cu mester duna nan luz berde pa programacion worde usa pafor di Merca.

DIARIO a compronde cu ATV pronto lo ta den aire, y

nan lo ubica nan mes riba canal 15 di Cable-TV. Esaki nifica cu e señal di WNBC-TV di New York lo ser kita pa pone ATV na su lugar. Pero e programacion di NBC lo sigui normal eyriba, pues tur e programanan cu bo tin custerber di mira.

ATV ta indica cu nan lo bay opera basta ora pa dia y e posibilidad tey pa e operacion sigui den un ciclo di 24 ora pa dia.

Aparentemente e studionan di ATV lo ta den un di e pisonan di Royal Plaza cu a caba di worde construi recientemente.

No a haya informacion si acaso ATV lo transmiti tambe "off-air", esta cu bo por

haya e señal aki via bo antena di TV. Mas informacion sigur lo ser haya despues riba e asunto aki.

Riba e fotonan aki por mira mas di e contactonan cu esnan di ATV tabatin cu NBC.

Riba e foto di grupo por mira d.r.p.d. Mike Eman, Victor Winklaar Jr., Karin Halstead (NBC International), Joseph Angotti, Jado Maduro, y Rebecca Roos.

15 ATV

Royal Plaza
Suite 225
P.O. Box 5040
Oranjestad, Aruba
Tel: (2978) 38150
Fax: (2978) 38110

OPORTUNIDAD DEN TRANSMISION

Bo tin un show den mente
cu bo lo tin gana pa hende mira?
Bo tin un idea cu bo ta kere,
cu lo hasi un show interesante?

ATV, Aruba Broadcasting Company N.V. ta ofreciendo oportunidad na productornan independiente y companianan di produccion di video pa cumpra hora di transmision den e schedule diario cu ATV lo tin proximamente.

Proyecta pa ser lansa den e proximo lunanan, ATV lo tin horario disponibel di merdia pa anochi den blocknan di 30 y 60 minuut.

Shownan mester cumpli cu e standard di transmision, manera ta ser aproba pa ATV.

Tarifa y tempo disponibel ta varia, di moda cu por fabor yama Sr. Victor Winklaar Jr. na 38150 pa quotation di e rate y pa mas informacion of pasa na nos oficina den Royal Plaza, Suite #225.



Aruba Hotel School

SPECIAL CHINESE COOKING COURSE

pa tur esnan interesa den sifa cushina Chines

Aruba Hotel School ta ofrece

un curso special den

CHINESE CUISINE

April 3 te Mei 29 1996

Dialuna y Djarazon di 6:30 pa 9:00 pm

Les ta duná pa un experto den cushinamento Chino.

Inscribi lihé, cupo ta limitá, na no mas cu 24 persona

Esaki ta un oportunidad unicol

Pa mas info. Tel.: 38600

Certificadonan di Aruba Hotel School ta localmente y internacionalmente reconoci.